

[Accueil](#)[Revenir à l'accueil](#)[Collection](#)*Mythologie ou explication des Fables*, Paris, Pierre Chevalier et Samuel Thiboust, 1627[Collection](#)*Mythologie*, Paris, 1627 - Livre VII[Item](#)*Mythologie*, Paris, 1627 - VI, 10 : De Phrixe, & de Hellé

**Auteur(s) : Conti, Natale ; Montlyard, Jean de (traducteur) ; Baudoin, Jean (éditeur)**

**Collection Mythologia, Francfort, 1581 - Livre VI**

*Ce document est une transformation de :*  
[Mythologia, Francfort, 1581 - VI, 09 : De Phrixo](#)

---

**Collection Mythologia, Venise, 1567 - Livre VI**

*Ce document est une transformation de :*  
[Mythologia, Venise, 1567 - VI, 09 : De Phrixo](#)

---

**Collection Mythologie, Paris, 1627 - Livre X**

*Ce document a pour résumé :*  
[Mythologie, Paris, 1627 - X \[70\] : De Phrixe](#)

---

**Collection Mythologie, Lyon, 1612 - Livre VI**

*Ce document est une révision de :*  
[Mythologie, Lyon, 1612 - VI, 09 : De Phrixe & de Hellé](#)

---

## Informations sur la notice

Auteurs de la notice

- De Prémont, Marianne (transcription - 05/2022)
- Équipe Mythologia

Mentions légales

- Fiche : Projet Mythologia (CRIMEL, URCA ; IUF) ; projet EMAN, Thalim (CNRS-ENS-Sorbonne Nouvelle). Licence Creative Commons Attribution - Partage à l'Identique 3.0 (CC BY-SA 3.0 FR)
- Images : BnF, Gallica

## Présentation du document

PublicationParis, Pierre Chevalier et Samuel Thiboust, 1627  
ExemplaireParis (France), BnF, NUMM-117380 - J-1943 (1-2)  
Formatin-fol  
langue(s)Français  
Paginationp. 596-603

# Des dieux, des monstres et des humains

Entités mythologiques, historiques et religieuses

- [Hellé](#)
- [Phryxos](#)

Notice créée par [Équipe Mythologia](#) Notice créée le 30/04/2018 Dernière modification le 25/11/2024

---

à qui la nef d'Argo auoit esté decernée, avec commission d'aller de costé & d'autre pourfuiure & exterminer les Corsaires qui infectoient la marine. Et par cette reueüe & ballayement fut restably le commerce ( comme depuis fit Pompee de son temps ) dont prouiennent plus de richesses & commoditez que ne scauroient valoir toutes les toisons d'or de Colchos. Mais c'est assez discouru de Iason: passons à Phrix.

*De Phrix & de Hellé.*

CHAPITRE X.

Genealogie de Phrix.

Voyez le 4. chap. du 8. liur.

Notable melancolie a'vne belle-mere.

**P**HRIXE qui posa la toison d'or en Colchos, fut fils d'Athamas & de Nephelé. Athamas regnant à Thebes espousa Nephelé, & en eut deux enfans, Phrix & Hellé. Puis-prés repudiant, ie ne sçay pourquoy, Nephelé, il espousa Ino, de laquelle il eut Clearche ( autrement Learche ) & Palæmon, depuis appellé Melicerte. Ino deuint esperduëment amoureuse de son beau fils Phrix: à laquelle ne voulant complaire, elle commença de le hayr autant qu'elle l'auoit aymé, selon qu'ordinairement la haine des belles-meres est excessiue. Pindare en ses hymnes appelle Ino Demotique, Pherecyde, Themisto, Sophocle, Nephelé, Hippias, Gorgopire. Or voyez le traict qu'Ino fit à Phrix & à Hellé. Elle commanda à ses fermiers de frirer tous les grains, tant de bleds que de legumes qu'il falloit mettre en terre, afin qu'ils ne peussent germer; puis-aprés corrompit par presens les Prestres d'Apollon Pythien, les Prophetes & les Deuins, afin qu'ils fissent entendre au Roy Athamas, que pour remedier à la famine, attendu que les bleds ne venoient point, il estoit necessaire de sacrifier aux Dieux l'vn des enfans de Nephelé. Athamas, ces tristes nouuelles ouyes, croyant que ce fust vne nécessité, destina son fils Phrix, & l'enfatraissa des coiffures, bandeaux, rubans & autres ornemens accoustumez aux victimes, pour estre mis sur l'autel en sacrifice. Mais Nephelé suruint qui enleua les deux enfans, Phrix & Hellé, & leur donna vne brebis ou vn mouton d'or dont Mercure luy auoit faict present, qui les emporta à trauers l'air. Auint qu'estans arriuez à ce bras de mer, qui est entre le cap de Sigee en Phrygie la mineur & le Cherronesse, Hellé se laissa choit en la prochaine mer, qui depuis cette chute fut appellee Helleponte, auioird'huy Bras S. George, ou Destroit de Gallipoli. On l'appella aussi Mer Atamantide. Telsmoin Æschyle és Perles; & Ouide en l'epistre de Leandre:

Ores tu vois l'Athamantide mer,  
 Et ses grands flots bouillonnans escumer,  
 Tant qu'il n'y a nulle nef qui soit seure  
 Mesme en son port en tourmente si dure;  
 Et croy qu'alors telle estoit cette mer  
 Quand on la veint du nom d'Hellé nommer.  
 Las! cette coste est bien assez, bonnie.  
 Depuis qu'elle eut cette fille englentie.  
 Ce bras de mer me soit moins rigoureux!  
 On sçait assez son crime mal-heureux.  
 Certe à Phrixus ie porte grand' enuie,  
 Qui trauersa ce maudit bras en vie  
 Sur vn Mouton au lainage doré,  
 Où de sa Sœur fut le corps deuoré.

Phrixus ayant perdu sa sœur Hellé, lassé de la longueur du chemin & du travail, se reposa au cap de Brixabc: où les habitans du lieu, gens barbares, l'ayans veu, accoururent avec armes pour luy faire vn mauvais party. Mais le Mouton s'enclinant & vsant de voix humaine le recueillit: parquoy se sauuant il vint à Colchos ( Hellé fut depuis pechee, & enterree sur le bord de la mer, ce dit Herodote en sa Polymnie ) & immola ce mouton à Iupiter surnommé Phyxien, c'est à dire, fauorisant sa fuite: & posa la peau sur vne yeuse au parc de Mats, laquelle on dit depuis auoir esté baillee en garde à vn Serpent. Les autres disent que Phrixus logea vn jour chez Diplaque, fils de Phyllis, riuere de Bithynie, & d vne Nymphe du pays; & que là il offrit en sacrifice son Mouton à Iupiter titré Laphystien, à cause d vne colline ainsi nommée, où il auoit vn Temple. Depuis la coustume demeura, que tous les ans quelqu vn de la posterité de Phrixus sacrifioit audit Iupiter, tesmoin Suidas au 2. liure de l'Estat de Thessalie. Aete receut amiablement Phrixus, & quelques années après luy donna en mariage sa fille Chalcioppe, sœur de Medee ( que Pherecyde au 6. liure escrit auoir esté proprement dicté Eucnie, & surnommée Chalcioppe, & Ophiuse ) & en eut quatre fils, qu'Ausilaüs appelle Argus, Phrontis, Melane, Cytillon; Epimenide en adiouste vn cinquiesme, Pesbon. D'autres luy donnent encore vn sixiesme, Cytore, du nom duquel fut nommée la montagne de Cytore en Galatie: auquel on adiouste aussi Telamon & Augias. Les autres disent qu'il n'eut que Argus, Melias Catis, Sorus, Phrontis, & Hellé. D'autres aussi maintiennent que la femme s'appelloit Iophosse, non pas Chalcioppe. Quelque temps après Athamas par la volonté de Iunon deuint enragé, pour auoir nourry Bacchus, que Mercure auoit porté chez luy par le commandement de Iupiter: pource aussi què Ino tante de Bacchus, s'efforçoit par tous moyens de luy acquerir vne diuine reputation

Mouton  
d'or im-  
mole à  
Iupiter  
Phyxien.

Femme  
& enfans  
de Phrix-  
us.

Haine  
perpe-  
tuelle de  
Iunon  
contre les  
filles des  
conubi-  
nes de Iu-  
piter, &  
leurs al-  
liés.

e

entre les hommes ; & Inon le haïſſoit à mort pour le ſuject que nous auons déclaré en ſon lieu. Ainſi doncques Athamas agité de furie voyant ſa femme Inon accompagnée de ſes deux enfans, ſe perſuada que c'eſtoit la Lionne avec ſes Lionceaux qu'il auoit u'aguere veus. Il ſe prend donc à courir après pour les mettre à mort, & comme le décrit Ouide au 4. de ſes Metamorphoſes, arrachant ſon fils Learche d'entre les mammelles de ſa mere, le froiſſa contre vn pilier, & le tua. Ino toute effarouchée ſe ietta dedans la mer avec ſon autre enfant Melicerte. Mais Venus voyant cette pitoyable deſolation ſ'en alla trouuer ſon oncle Neptun, le priant de vouloir receuoir ſa niepce Inon avec ſon fils entre les déitez marines ;

*Cette oraiſon par Venus prononcée  
Fut à ces vœux par Neptun exaucée  
Car à Inon & à Melicerta  
Ce qu'ils auoient de mortel il oſta,  
Et leur donnant autorité nouvelle,  
Change leur nom, leur face renouuelle.  
La mere fut diète Lencothea,  
Dieu Palamon nommé le fils il a.*

Athamas  
chaffé de  
ſon Roy-  
aume.

Themiſt-  
me fem-  
me d'A-  
thamas.

Diuers  
aduis tou-  
chant la  
ſuite de  
Phrix, &  
ſa iſon.

Cette Fable ſe raconte diuerſement : mais nous remettrons le reſte au chap. d'Inon & de Palamon. Tant y a qu'Athamas à l'occaſion de ces meurtres fut chaffé de ſon Royaume & de la Bœœce, & ſ'enfuyant alla au conſeil de l'Oracle, qui luy donna aduis de ſ'habituier là où les beſtes ſauuages le receuroient en leur banquet. Vn peu après il aduint qu'il rencōtra vne troupe de Loups en Athamane, trouuée de Theſſalie, ou de Sciauonie, ſelon l'aduis de quelques-vns, ſe quels deuoroient quelques Brebis, & ſ'enfuirent dès qu'ils ſ'eurent-apperceu, abandonnans leur proye à demy-mangée. Si ſe reſolut Athamas ſuiuuant la reſponſe de l'Oracle, de faire là ſa demeure: où il eſpouſa en troiſieſme nopces Themisto fille d'Hypſee, de laquelle il eut Leucon, Erythras, Schæon & Tithon, ou, ſelon l'opinion des autres, Phrix. Toutesſois Denys en ſes Argenauchers les nomme Schenee, Eurythie, Leucon, & Tithoree. Les autres diſent que Phrix ne fut point amené à l'autel pour eſtre ſacrifié, mais qu'eſtant enuoyé pour choiſir vne belle Brebis pour offrande, vn Mouton par la permission de Iupin ſe prit à parler, & luy deſcouurit tous les mauuais deſſeins & complots de ſa maraſtre : & pourtant il prit avec luy ſa ſœur, & ſ'aſſeant tous deux ſur le dos du Mouton, ſuiuuant le conſeil qu'il leur donna, ſ'enfuirent hors de leur pays, & ſelon le commandement de ſa mere, ſacrifia ledit Mouton près la riuere de Phaliſ. Les autres eſcriuent que le Mouton ſe prit à parler lors qu'Helie ſe laiſſa choir, & luy dit qu'il ne craigniſt point, l'aſſeurant qu'il le porteroit en Colchos. Les autres, que Nephelée eſtoit vne Deſſe, qui ſe voyant

mesprisée par Athamas à l'appetit d'une femme, s'enuola aux Cieux, & faisant la plainte à Jupiter, il enuoya vne malediction sur le domaine d'Athamas, qui fut cause de faire forger les contes que nous auons ouys des complots d'Inon. Au reste quand Phrixé & Hélé se retirerent en Colchos, il ne faut pas penser qu'ils y furent portez à trauers l'air: mais qu'allans à beau pied iusques en la ville d'Abutie en Asie, ils s'embarquerent, & Hélé chut dans la mer ainsi comme ils la passoient; mais Phrixé paracheuant son voyage, arriué à Colchos offrit son Mouton à Jupiter Phyxien. Les autres disent à Mars, les autres à Mercure: où s'estant habitué il appella le pays de son nom, & fut depuis appellé Phrygie. Les autres encore qu'il pendit la peau à vne branche de Chesne dans le parc de Jupiter, & que Mercure la conuertit depuis en or. Combien que M. Manilius au 4. des Astronomiques vueille dire qu'elle estoit delia d'or quand le Mouton trauersa la mer pour sauuer Phrixé en la Colchide. Finalement auint que Nephelé eut moyen de se venger d'Athamas, & l'ayant en sa puillance, le fit trainer à l'autel de Jupiter pour la estre esgorgé en offrande, & faire reparation par l'effusion de son sang, de l'assassin par luy commis. Mais Hercule suruenant le deliura. C'est ce qui a donné subiect à Sophocle de faire sa Tragedie d'Athamas. Au reste pour eterniser la memoire d'un si bon office, Nephelé obtint de Jupiter, à force de prières, que le signe du Belier seroit placé entre les estoilles, ce qui fut fait. Les autres ont eu opinion que ce Belier ou Mouton ne fut autre chose qu'un nauire, ayant un Mouton peint en la prouë, dans lequel Phrixé & Hélé traueserent la mer, mais comme l'Infante regardoit de dessus la prouë en l'eau, elle cheut dedans & se noya. Les autres disent que ce Belier estoit le nom du nourrisier, ou gouverneur de Phrixé, qui descourant la mauuaise conspiration d'Ino, luy donna auis de se sauuer, qui suiuant ce conseil, il se retira à Colchos: & de là print-on subiect de dire qu'un Belier, ou Mouton l'auoit emporté. C'est ce qu'en escrit Denys és Argonautiques; adioustant qu'il fit aussi la retraite en Colchos avec Phrixé, où ils furent tres-bien-venus. Mais par succession de temps Æete s'estant imprimé vne crainte qu'il ne le voulust à la longue deposseder de son Royaume, & s'en inuestir luy-mesme, suiuant l'auis qu'il auoit eu de se donner garde d'un estrangier, de la race des Æolidés, fit mourir Phrixé. Ses enfans se ietterent dans vne barque pour passer & se retirer deuers leur ayeul Athamas, mais ils firent naufrage en chemin. Et là dessus Iason les ayant rencontrés en l'isle de Die, ne sçachans plus à quel saint se vouër, les receut en son vaisseau, & les ramena sains & sauues à leur mere Chalciopé, qui pour recompense de cette gratuité & bien-faict, moyenna si bien pour Iason enuers sa sœur Medée, que par l'aide & secours d'icelle, il veint à bout de son entreprise.

Conuer-  
tion de  
par Mer-  
cure.

Venge-  
ce de Ne-  
phelé sur  
Athamas  
auanté  
par Her-  
cule.



Quant à Hellé, on dit qu'estant morte de maladie en ce voyage, elle fut iettée dedans la mer, selon la coustume des mariniers & nauigeans qui n'ont moyen d'enterrer leurs morts.

Mythologie by-  
lorique  
de Phrixé  
& Hellé.

¶ Tous ces contes icy sont pleins de vray-semblance, horsmis la maniere de la fuite de ces ieunes Princes; car cela ne peut estre qu'un Mouton eust vne peau d'or, ne qu'il peult voler emmy l'air. Mais parce que la coustume des Anciens estoit de marquer non seulement leurs monnoyes de quelques animaux domestiques; ains aussi de les imprimer presque en toutes autres choses, & d'appeller la chose du nom de l'animal qu'elle portoit ou cizelé, ou graué, ou pourtraict: i'oserois bien croire que Phrixé & Hellé s'embarquerent en quelque galere qui s'appelloit le Belier, ou le Mouton, pour en auoir vn peint & doré, ou en la prouë, ou en la poupe: suiuant mesme ce que quelques-uns en escriuent, & que l'Infante se trouuant mal, comme non accoustumée aux vapeurs marines, appuyée sur son costé ou autrement, tumba dans la mer.

Ceux qui reduisent ces contes en histoire, la descriuent comme s'ensuit. Athamas fut l'un des principaux chefs de l'armée Grecque assiégeant Troye, où il auoit emmené quant- & soy ce qu'il auoit de plus précieux, commettant la charge de toute sa maison à vn prudent personnage, & sien fidelle seruiteur nommé *Krios*, nom Grec signifiant Belier, ou Mouton, que les Latins nomment *Aries*. Or il aduint que le Roy Athamas conceut vn iour vne pernicieuse inimitié contre son fils Phrixé (peut-estre pour le faux subiect que nous auons ouy cy-dessus) de laquelle il se descouurit à Belier, resolu de luy faire perdre la vie. Belier après auoir par plusieurs honorables remontrances tascé de dissuader Athamas de cette inhumaine entreprise, luy mettant en auant l'innocence & la bonté de son fils, ensemble l'amour reciproque que doit le pere à son enfant, l'enorme inconuenient & le blâme qu'il encourroit, l'ineuitable vengeance de telle impiété, sans toutefois le pouuoir aucunement desmouuoir de son meschant dessein: preuoyant l'extreme dommage qui s'en ensuiuroit, & le perpetuel regret & remors qui bourreleroit son ame, si par faute d'aduertissement le ieune Prince souffroit si cruelle mort par les mains de celuy qui deuoit estre le soustien & garand de sa vie, se delibera nonobstant le deuoir qui l'obligeoit au pere, de donner auis à l'Infant de ce mortel complot. Et parce que le séjour en la Cour d'Athamas n'eust pas esté seur pour luy, il donna si bon ordre, qu'en peu de iours il fut équipé d'une bonne nef, laquelle il fretta & garnit de toute sorte de munitions necessaires, & de grandes richesses, & s'embarquerent, emmenant avec soy la mere de Pelops, nommée *Eos*, c'est à dire, Aurore. Sa sœur Hellé voulut estre de la partie, si fit trouffer bagage, & charger les plus précieuses bagues & ioyaux. La Prin-  
cella

cette Aurore auoit fait s'outraire vne effigie d'or, representant sa semblance au naturel, laquelle Phrix, pour montrer le rang qu'il tenoit entre les illustres & riches personages, posa à la poupe du nauire. Phrix se reputoit de tous poincts heureux, d'auoir eschappé l'indignation de son pere, si la mort de sa sœur ne luy eust appresté nouveau subiect de douleur: laquelle ne pouuant endurer la fatigue de la mer, tomba en griefue maladie, dont elle mourut en peu de iours. Sa douleur fut augmentee de ce qu'en pleine mer il se voyoit contraint d'abandonner le corps de la defuncte Infante en proye aux poissons & monstres marins, sans luy pouuoir donner sepulture digne de la singuliere amitié qu'ils s'estoient de tous temps portez. De tel inconuenient cette mer fut appelée Hellespont, comme nous auons dit cy-dessus. Phrix avec le reste de sa flote poursuivant sa route & auenture, anchra finalement, & descendit en Pharon, isle du Royaume de Colchos, où le Roy Æete le receut avec toute courtoisie & magnificence: puis ayant fait suffisante preuue de la valeur & vertus de Phrix, luy donna l'Infante sa fille en mariage, à laquelle il fit present de la naïue statue de la Princesse Aurore, non de la toison de son pretendu Mouton. Voilà comment on assure la verité de cette histoire.

Les autres escriuent que Trigon, Roy des Scythes, gendre d'Æete, estoit à Colchos, quand Phrix fut pris avec son precepteur ou gouuerneur: que ce ieune Prince fut donné à Æete, qui le voulut auoir, & le fit nourrir cōme sien, puis le laissa heritier de son Royaume; mais qu'il sacrifia aux Dieux son precepteur, Belier: & l'ayant fait escorcher, selon la coustume du pays, il cloia sa peau en vn Temple. Ce Belier fut surnommé d'Or, parce qu'il faut faire estat que le conseil des sages est aussi precieux, voire plus que l'or. Les autres veulent dire que le Roy Æete fit dorer cette peau, & luy donna des gardes, ayant eu auis de l'Oracle, qu'il periroit lors qu'un estranger l'auroit enleuee: c'estoit à dire, quand sagesse & cōseil luy manqueroient. Et pourtant eu esgard à la rudesse & à l'inhumanité des gardes, il fut dit qu'un Dragon ou Serpent tousiours veillant, des Bœufs ou Taureaux farouches & sifflans du feu par les narreaux & par la bouche, & des hommes nez de terre tout-armez, auoient en garde cette toison d'or. Et d'autant qu'on auoit fait venir ces gardes de la Tauride; Prouince de de Sarmatie, habitee auourd huy par les Polonois, Moscouites & Tartares; on dit que Medee partit de nuit à portes fermans, & heurtant à la porte du Temple appella les gardes en leur langage; lesquels la reconnoissans pour fille du Roy, ouurirent promptement la porte. Là dessus les Argonautes se ruans, l'espee au poing sur ces barbares, en tuèrent vne partie, chasserent le reste, & enleuerent la toison, ou peau. On adioulte qu'Æete mettant aux champs

Prende  
Belier  
ou quel  
l'innon  
meed'Or.

Moyen  
de la con-  
queit. de  
la toison  
d'Or.

E E e



Expositio  
moralis.

le plus d'hommes qu'il peut pour lors, attaqua l'escarmouche contre les Argo-Nochers, estant encore à l'ancre : en laquelle plusieurs d'entre-eux furent blesez, & Iphite tué; de l'autre part le Roy blessé. Mais comme les Argonautes virent que leurs ennemis croissoient tousiours, si qu'il n'y auoit moyen de soustenir si grand nombre de gens armez, ils leuerent l'ancre & desmorerent. Toutefois il y en a qui soustiennent que les Colchiens furent mis en route par la valeur des Argonautes, après auoir perdu beaucoup de leurs gens. Or i'estime que par cette Fable ils ont voulu apprendre comment il faut supporter les vicissitudes des affaires de ce monde : veu que cela sent la femme, ne pouuoit sagement endurer les mutations que nous voyons ordinairement auenir, ou s'attrister par trop, & faillir de cœur en aduersité, & s'enorgueillir outre mesure pour quelque prosperité. Car en quelque danger & hazard que nous nous trouuions, quelque bon & heureux succès qui nous fauorise, la prudence nous doit seruir de rondache; estant veritable, que les mal-aiusez sont le plus souuent accablez par la suruenue de quelque soudain & non-preuenü changement. D'autre part Lucian au Dialogue de l'Astrologie, escriit que Phrixus prenoit fort grand plaisir à l'estude d'alstronomie : & que cela donna sujet aux auteurs des Fables, de dire qu'un Belier l'auoit porté au Ciel. Mais quand à moy i'estime que cela ne signifie autre chose, sinon que celuy qui se sçait bien & sagement seruir des choses presentes, approche fort de la nature diuine: & que celuy qui en abuse par imprudence, par mauuais gouvernement, & par orgueil, se precipite aisément d'un haut grade de dignité: comme il en prit à Hellé. Car il n'y a estat, condition, ne qualité d'homme, tant ferme & stable soit elle, qui, s'il plaist ainsi à Dieu, ne vienne en moins de rien à se renuerser: dont on se trouue puis-aprés autant estonné que si l'on estoit chut des nuës: & qu'ainsi soit, la signification des noms le monstre; car *Athamas* signifie non-admirable, veu que *thaumázesthai*, vaut autant qu'admirer, d'où vient le nom d'*Athamas*, en adioustant la premiere syllabe, *a*, qui luy donne vne signification du tout contraire: & *Nephele* signifie nuë. Or si nous ne nous estonnons point pour tant & si diuers accidens que nous esprouuons continuellement, ains eleuons nos yeux plus haut au Ciel, nous viendrons aisément à mettre à non-chaloir les affaires de ce monde. C'est ce que dit Horace escriuant à Numice:

*De chose que ce soit merueille point ne prendre,*

*Est le seul poinct qui peut, Numice, heureux nous rendre.*

Et de faict, qu'est-ce qu'on peut auoir en admiration, veu que toute la vie de l'homme ne cesse de flotter de costé & d'autre, ne plus ne moins qu'un nauire au milieu de la haute mer agité de tous les vents & emporté de region en autre? car qui voudra faire estat des moyens

& de l'amitié des hommes, des Royaumes & principautez, & de la faueur des Grands; il trouuera que tout cela luy durera tant qu'il au-  
ra vent en poupe, & que l'heur luy dira. Or que cette prosperité soit  
vne inclination de l'homme à vn heureux estat; soit qu'on la vueille  
appeller conseil de Dieu, ou autrement, si elle accueille l'homme sa-  
ge, il s'en ayde avec vne decente moderation d'esprit, à l'exemple de  
Phrixus, qui se trouuant à Colchos, en vn Estat plus tranquille &  
plus asseuré, esleué à la dignité Royale, s'y comporta fort mode-  
stement, après auoir eschappé les machinations & mal-vueillances  
de sa belle-mere. Or il faut maintenant dire quelque chose du vais-  
seau d'Argo.

*Du Nauire d'Argo.*

CHAPITRE XI.

**C**E Galion dans lequel les Seigneurs susnommez nauige-  
rent à la conquête du Mouton d'or, fut basti par Argus,  
( qu'Apollonius Rhodien au 1. de ses Argonautes fait  
auoir esté fils d'Arethor, ainsi que le gardien d'Io, mis à  
mort par Mercure ) & du nom de l'Architecte fut nommé Argò.  
Toutefois Diodore au 4. liure, veut que ce soit à cause de sa grande  
legereté, qui le rendoit le plus aisé & maniable vaisseau de tous ceux  
qui iamais monterent sur mer; car *argos* entre autres choses signifie  
leger, vilté & soudain. Ciceron en la 1. Tusculane en tire l'etymolo-  
gie de ce que les Grecs estoient appelez Argiues, lors qu'ils s'embar-  
querent dessus. Pelias auoit commandé à ce mesme Argus de ioindre  
legerement les aix, & les cloüer de petits cloux, afin que plus aisé-  
ment il se peult dissoudre & faire perir toute la troupe. Mais il fit tout  
le contraire, aussi voulut il estre compagnon du voyage pour le ra-  
doubter au beioin, & pourtant il eut le bruit d'auoir esté construit par  
le desseing & instruction de Pallas. Il fut fait en vne ville distante  
d'Iolchos en Thessalie, de vingt stades, qui pour ce regard fut diète  
Pagasa, ou Pegasa, du mot *pegnysthai*, c'est à dire ioindre, assembler  
& hier l'vn avec l'autre, telmoïn Strabon au 9. liure, & Ouide en l'e-  
pistre de Paris, appelle Iason Pagasien.

Stade est  
la mesme  
de 125.  
pas.

*Iason Pagasien enleua bien Medee:  
La Thessale pourtant n'en fut point degastee  
Par la Colchique main. —*

Le mas de ce nauire fut fait d'vn Chesne coupé dans le parc de Iu-  
piter de Dodone, que Pallas elle mesme marca. Lycophon ap-  
pelle ce mas, *Pie babillarde*, pour les raisons cy-dessus alleguées,

Voyez  
cy-dessus  
en Iatou.

E E c ij